

Møteinnkalling

Utval: Stølsheimen verneområdestyre
Møtestad: Blix Hotell, Vik
Dato: 22.02.2017
Tidspunkt: 10:30 – 13:00

Eventuelt forfall må meldast snarast på tlf. 99499753, eller e-post fmsfano@fylkesmannen.no. Vararepresentantar møter etter nærare beskjed.

Saksliste

Utvals- saksnr	Innhald	Lukka	Arkiv- saksnr
ST 1/17	Godkjenning av innkalling og dagsorden		
ST 2/17	Val av eit styremedlem til å skrive under protokoll		
ST 3/17	Stølsheimen landskapsvernområde - utbetring av stølsvegen frå Nese til Rosete		2014/2116

ST 1/17 Godkjenning av innkalling og dagsorden

ST 2/17 Val av eit styremedlem til å skrive under protokoll



Arkivsaksnr: 2017/559-0

Saksbehandler: Anbjørg Nornes

Dato: 02.02.2017

Utval	Utvalssak	Møtedato
Stølsheimen verneområdestyre	3/17	22.02.2017

Prosjektplan for besøksstrategi for Stølsheimen landskapsvernområde

Innstilling frå forvaltar

Stølsheimen verneområdestyre vedtek oppstart av arbeid med besøksstrategi for Stølsheimen landskapsvernområde, og legg Prosjektplan for besøksstrategi for Stølsheimen landskapsvernområde datert 22.02.2017 til grunn for arbeidet.

Stølsheimen verneområdestyre er styringsgruppe for prosjektplanen og besøksstrategien.

Saksopplysningar


Dokument som bakgrunn for saka:

- Veileder for besøksforvaltning i norske verneområder, Miljødirektoratet M-415/2015
- Forvaltningsplan for Stølsheimen landskapsvernområde, Rapport nr. 3 – 1998
- Framlegg til revidert forvaltningsplan for Stølsheimen landskapsvernområde, rapport nr. 1 - 2016

Klima- og miljødepartementet har sett som krav at alle verneområde i Norge skal ha utarbeid besøksstrategi for område innan 2020. Miljødirektoratet har utarbeid ein rettleiar for besøksforvaltning i norske verneområde. I rettleiaren er det sagt korleis forvaltningsmyndigheita skal bruka besøksforvaltning som verktøy i ein strategisk og god forvaltning av verneområda for at opplevinga for dei besøkjande og den lokale verdiskapinga skal verta størst mogleg, samtidig som forståinga for vernet aukar og verneverdiane vert ivaretatt.

I fylgje vedtektene til verneområdestyret, skal styret utarbeida besøksstrategi for verneområda som del av forvaltningsplanen, eller som vedlegg til forvaltningsplanen.

I fylgje rettleiaren om besøksforvaltning, skal verneområdestyret gjera vedtak om oppstart av arbeid med besøksstrategi og utarbeida ein prosjektplan i startfasen av arbeidet.



Frå rettleiaren; *Flytdiagram som viser viktige deler av arbeidet med besøksforvaltning.*

Vurdering

Forvaltningsplanen for Stølsheimen er eit viktig grunnlagsdokument i arbeidet med besøksstrategien. Planen frå 1998 er revidert og ligg til godkjenning i Miljødirektoratet. I den reviderte planen er det sagt at det skal lagast ein besøksstrategi som temaplan til forvaltningsplanen.

Det fyrste som må gjerast i arbeidet med besøksstrategi, er å få ein oversikt over tilgjengeleg kunnskap om natur- og kulturverdiane i området. Føremålet med vern av Stølsheimen landskapsvernområde er å ta vare på eit særmerka natur- og kulturlandskap. Det er difor viktig å ha god kunnskap om desse verdiane når det skal vurderast å leggja til rette for auka bruk av områda. Stølsheimen er eit viktig leveområde for villreinen, og omsyn til villreinen vil vera viktig å vektleggja i besøksstrategien.

Vidare må alle brukargruppene i området kartleggjast. Det er avgjerande å få til eit godt samarbeid med dei ulike brukargruppene for å laga ein god besøksstrategi for området. Stølsheimen vert fortsatt nytta til beiteområde, og det vil vera viktig å ha ein god dialog med gardbrukarar i området for å styre ferdsel i området slik at det ikkje er til ulempe for beitebruken. Turgåarar er ei stor og viktig brukargruppe i Stølsheimen. Turlaga har merka turruter, og grunneigarar har merka nokon ferdselsveggar. Frå reiselivsnæringa har det kome spørsmål om å merka nye turruter og stiar for sykling. I besøksstrategien må det vurderast kva område som kan opnast opp for auka ferdsel, og om det er område som er sårbare for ferdsel. Det bør også vurderast om det er nokon område som ikkje skal ha tilrettelegging, men ha opplevingsverdi som urørt naturområde. Dette er viktige avveingar i strategien når målet er å auka besøket, gje auka lokal verdiskaping, og samtidig ta vare på verneverdiane. I rettleiaren for besøksforvaltning (M-415 2015) er det sett ned viktige prinsipp i arbeidet med besøksstrategien; Dersom det er motstridane målsetjingar mellom ivaretaking av verneverdiane, tilrettelegging for dei besøkjande og lokal verdiskaping, skal det leggjast størst vekt på verneverdiane.

For å få ein god besøksforvaltning, må verneområda sjåast i samanheng med områda rundt verneområda. Det er difor viktig med godt samarbeid med forvaltningsmyndigheitene utanfor verneområda, og med organisasjonar og næringsliv som brukar områda. I prosjektplanen er



det skissert samarbeid med brukargrupper gjennom bygdamøte, og temamøte med organisasjonar og næringsliv.

Utkast til prosjektplan som ligg som vedlegg til saka, set mål for arbeidet med besøksstrategien, framdriftsplan, tiltaksplan og budsjett for arbeidet.



Arkivsaksnr: 2016/4043-0
Saksbehandler: Anbjørg Nornes
Dato: 02.02.2017

Utval	Utvalssak	Møtedato
Stølsheimen verneområdestyre	4/17	22.02.2017

Stølsheimen verneområdestyre - fordeling av tiltaksmidlar 2017

Innstilling frå forvaltar

Saka vert lagt fram utan innstilling.

Saksopplysningar

Dokument som bakgrunn for saka:

- Mildar til forvaltning av verneområde 2017. Tildelingsbrev frå Miljødirektoratet (lagt fram i møte)
- Forvaltningsplan for Stølsheimen landskapsvernområde, rapport nr. 3 1998
- Tiltaksplan i framlegg til revidert forvaltningsplan for Stølsheimen landskapsvernområde, rapport nr. 1 - 2016

Miljødirektoratet tildeler midlar til drift av verneområdestyret og tiltaksmidlar til planlagde tiltak i 2017. Tildelingsbrev vert lagt fram i møte.

Styret søkte Miljødirektoratet om kr. 348 000 i tiltaksmidlar. Kr. 50 000 til kunnskapsinnhenting i samband med besøksstrategi er lagt inn i budsjettet for drift av styret Stølsheimen verneområdestyre la fram fylgjande tiltaksplan for 2017 i sak 17/16, 30.11.2016:

Tiltak 2017	Samarbeidsaktørar	Kostnad	Prioritet
Skjøtsel av prioriterte stølar Negardstølen, Rotteskaret, Smørklepp, Sylvarnesdalen, Rosete, Fossesete, Finnafjorden	Prosjektleiar/grunneigar/ SNO	120 000	1
Skjøtsel og utbetring av stølsvegar: Fossesete – Vatnane Nese – Rosete	Prosjektleiar/grunneigar/ SNO	100 000	2
Restaurering og nye vardar på stølsvegar, tradisjonelle vardar for stølsvegar	Grunneigarar	25 000	3



Ny bru over Dårlegelva	Bergen og Hordaland turlag	20 000	4
Oppstartkostnad ved restaurering av bygningar som er ein viktig del av kulturlandskapet	Grunneigarar	50 000	5
Tiltak i innfallsport Ortnevik m/toalett. Fellesprosjekt med grendalag og andre	Ortnevik grendalag	33 000	6
Kunnskapsinnhenting, oppstart besøksstrategi	SNO	50 000	7
SUM		398 000	

Vurdering

Forvaltar rår til at tiltaksmidlane vert fordelt på tiltak i tråd med prioritert rekkefølge av tiltaka i sak 17/16 i Stølsheimen verneområdestyre..

Det er inngått avtale med Nils Kvamme om skjøtsel i landskapsvernområde i åra 2017, 2018 og 2019. Avtalen var inngått med atterhald om finansiering. Nils Kvamme er prosjektleiar for tiltaka og organiserer skjøtelsarbeidet i tråd med prioritering i tiltaksplanen, og i samarbeid med forvaltar. Skjøtelsarbeidet startar opp etter det er skrive avtale med grunneigarar i dei aktuelle områda.

På bakgrunn av erfaring med tiltak tidlegare år, vert det endringar på kva tiltak som vert gjennomført og kostnadane med tiltaka. Forvaltar rår til at forvaltar i samråd med styreleiar kan fordela tiltaksmidlane mellom prioriterte tiltak og innafør budsjettamma.

RS 1/17 Stølshimmen landskapsvernområde - høring av forslag om oppheving av vannscooterforskriften

DS 1/17 Søknad om bruk av snøskuter på evakueringsrute frå rv13 - Vikafjellet